

«Մակրոտնտեսական վերլուծություն» մագիստրոսական ծրագիր

Ընդհանուր տեղեկություն

Մակրոտնտեսագիտությունը տնտեսագիտության կարևոր, ժամանակակից և լայն բնագավառներից է, իսկ մակրոտնտեսական քաղաքականությունը երկրի տնտեսական քաղաքականության առանցքային մասն է և դինամիկ զարգացող այս ոլորտի «Մակրոտնտեսական վերլուծություն» (Macroeconomic Analysis) կրթական ծրագիրը մշակվել է տնտեսագիտության գծով մագիստրոսի որակավորման աստիճանով մասնագետների պատրաստման համար՝ «Տնտեսագիտություն» մասնագիտության շրջանակներում:

«Մակրոտնտեսական վերլուծություն» մագիստրոսական ծրագիրը նպատակաուղղված է աշխատանքի շուկայի ժամանակակից պահանջներին համապատասխան մակրոտնտեսագիտության, մակրոտնտեսական քաղաքականության, տնտեսական վերլուծության և կանխատեսման ոլորտում տնտեսագետի լայն ունակությունների ձևավորմանը:

Մակրոտնտեսագիտության ոլորտի մասնագետը մի կողմից տիրապետում է պետական կառավարման մարմիններում մակրոտնտեսական քաղաքականության մշակման և իրականացման, տնտեսական վերլուծությունների հմտությունների, մյուս կողմից օժտված է անհատական հետազոտական հատկանիշներ և բարձր որակավորում ունեցող տնտեսագետի ունակություններով, որոնք անհրաժեշտ են պետական և մասնավոր հատվածի հաստատությունների, հասարակական կազմակերպությունների, հետազոտական կենտրոնների, միջազգային կազմակերպությունների գործընթացների կազմակերպման և ոլորտում մասնագիտական, հետազոտական, խորհրդատվական, փորձագիտական և կառավարչական գործունեություն ծավալելու կամ նախարարություններում և մյուս գերատեսչություններում զարգացման ծրագրերի գործընթացներում ներգրավվելու համար:

Շրջանավարտին շնորհվում է «Տնտեսագիտության մագիստրոս» որակավորում: Ծրագիրը մշակվել է պետական կառավարման և հետազոտական, փորձագիտական ոլորտների և մասնավոր հատվածի մասնագետների ակտիվ մասնակցությամբ և միտված է տնտեսագիտության լայն բնագավառի ղեկավարման փորձի նորագույն զարգացումներին:

Ծրագրի տևողությունը 1.5 տարի է, դասապրոցները նախատեսվում է իրականացնել շաբաթական երեք անգամ, երեկոյան հարմար ժամերի: Մասնագիտական դասընթացներից հետո մագիստրոսը համապատասխան փորձառություն է անցնում

պետական և մասնավոր հատվածների գործատու կազմակերպություններում՝ ծանոթանալով դասընթացների շրջանակերում ուսումնասիրված նյութի գործնական կիրառական ասպեկտների հետ:

Ծրագրի շրջանակներում որպես դասախոսներ ներգրավվելու են համալսարանի լավագույն դասախոսներ: Ակնկալվում է հրավիրյալ դասախոսների ներգրավում, ինչպես նաև՝ ուսանողների մասնակցություն ուղրտի բազմաբնույթ միջոցառումներին: Ուսումնական գործընթացի համար, բացի ՀՊՏՀ ենթակառուցվածքներից, կկիրառվեն նաև պետական և մասնավոր հատվածի կազմակերպությունների ենթակառուցվածքները, տեխնոլոգիական հնարավորությունները ու գրադարանային և ուսումնական ռեսուրսները:

Ուսման վճարը մեկ տարվա համար 700.000 ՀՀ դրամ է: Քանի որ ծրագրի տևողությունն ընդամենը 1.5 տարի է, ամբողջ ծրագրի տևողության արժեքը կազմում է 1 մլն. 50 հզ. ՀՀ դրամ:

Մասնագիտության նկարագիր

«Մակրոտնտեսական վերլուծություն» մագիստրոսական կրթական ծրագիրը պատրաստում է պետական և մասնավոր հատվածի կազմակերպություններում մասնագիտական խորը գիտելիքներով, հմտություններով և կարողություններով օժտված, անհատական հետազոտական և ղեկավարման հատկանիշներ և բարձր որակավորում ունեցող տնտեսագետներ:

Ներկայիս իրավիճակում առկա է տնտեսության բոլոր բնագավառներում մակրոտնտեսական քաղաքականության տարբեր ուղղություններով աշխատանքների իրականացման, տնտեսական վերլուծության և կանխատեսումների, տնտեսական որոշումների կայացման և ծրագրերի իրականացման ունակությունների պրակտիկ կիրառման մեծ պահանջ:

Կրթական ծրագրի առանձնահատկությունը կայանում է նրանում, որ այն ընդգրկում է լայն բնագավառի գիտելիքներ և ունիվերսալ ունակություններ:

«Մակրոտնտեսական վերլուծություն» կրթական ծրագիրը միջգիտակարգային է և ներառում է՝ մակրոտնտեսական քաղաքականության մշակման, տնտեսական վերլուծության և հետազոտությունների, տնտեսական կանխատեսումների իրականացման, հանրային կառավարման, ֆինանսների, հարկային, բյուջետային, արժույթային, էկոնոմետրիկայի, ինովացիոն, տարածքային տնտեսագիտության, ներդրումային և տնտեսության բազմաթիվ այլ ոլորտներ:

Աշխատանքի հնարավորություններ

Ծրագրի շրջանավարտները կարող են զբաղեցնել տնտեսագետի, տնտեսագետ-վերլուծաբանի, տնտեսագետ փորձագետի, հետազոտողի, էկոնոմետրիստի, առաջատար և գլխավոր մասնագետի և այլ պաշտոններ, ինչպես նաև հանրային ծառայության ղեկավար և մասնագիտական պաշտոններ, համայնքային ծառայության, մաքսային ծառայության և հարկային ծառայության պաշտոններ՝

պետական կառավարման և տեղական ինքնակառավարման մարմիններում, նախարարություններում և գերատեսչություններում, ՀՀ Կենտրոնական բանկի, ՀՀ տնտեսական մրցակցության ապահովման, ՀՀ հանրային ծառայությունների կարգավորման պետական հանձնաժողովների, ՀՀ վիճակագրական կոմիտեի աշխատակազմերում, ֆինանսական հատվածի կազմակերպություններում, այդ թվում՝ առևտրային բանկերում, արտադրական ձեռնարկություններում, տնտեսության ճյուղերի տարբեր մասնավոր ընկերություններում, խորհրդատվական ընկերություններում, հետազոտական կենտրոններում, հասարակական կազմակերպություններում, կրթական հաստատություններում և միջազգային կազմակերպություններում, մասնավորապես՝ որպես մակրոտնտեսագետ Արժույթի միջազգային հիմնադրամի, Համաշխարհային բանկի, Միավորված ազգերի կազմակերպության, ԱՄՆ Միջազգային զարգացման գործակալության, Վերակառուցման և զարգացման եվրոպական բանկի, Միջազգային ֆինանսական կորպորացիայի, Եվրասիական զարգացման բանկի, Ասիական զարգացման բանկի և այլ կազմակերպությունների ներկայացուցչություններում: